

इवनिंग डोगरी न्यूज़ बुलेटिन

समे .1815

<><><><><><>

Headlines

- जम्मू शा अज्ज बड्डलै रवाना कीता गेदा 4 ज्हार 600 शा मते अमरनाथ श्रद्धालुएं दा पैहला जत्था कश्मीर घाटी पुज्जी गेआ ऐ जित्थुआं कल विधिवत रूप कन्नै श्री अमरनाथ जी दी सलाना जात्तरा शुरु होई जाहग।
- नीट म्तेहान आहले मामले गी लेइयै बरोधी घड़े आसेआ कीते गेदे बरोध-प्रदर्शन दे चलदे लोकसभा दी कार्रवाई अज्ज दिन भरै लेई स्थगित करनी पेई गई।
- प्रधानमंत्री नरेन्द्र मोदी 30 जून गी मन की बात कार्यक्रम राहें देश-विदेश दे लोकें कन्नै अपने विचार सांझे करडन।
- रेलवे सुरक्षा दे कमिशनर दिनेश चंद देशवाल होरें 46 किलोमीटर लम्मे संगलदान-रियासी रेलवे ट्रैक दा निरीक्षण कीता।

<><><><><><>

ते हून खबरें दी तफसील कन्नै विजय बजाज।

<><><><><><>

Yatra

उपराज्यपाल मनोज सिन्हा होरें अज्ज बड्डलै भगवती नगर आले आधार शिविर थमां श्री अमरनाथ श्रद्धालुएं दे पैहले जत्थे गी श्री अमरनाथ जी दी यात्रा लेई झंडी दस्सियै रवाना कीता। उपराज्यपाल होरें श्रद्धालुएं गी सुरक्षत सफर आस्तै शुभकामनां दित्तियां न। उनें आखेआ जे बाबा अमरनाथ सब्बनें दी जिंदगिएं च शांति, खुशी ते समृद्धि लेइयै आवै। वैदिक मंत्रें दे नारें दी गूज कन्नै 4 ज्हार 6 सौ 3 श्रद्धालुएं दे पैहले जत्थे गी भगवती नगर आधार शिविर थमां पवित्र गुफा लेई 231 निक्कियें-बड्डिएं गड्डिएं राएं झंडी दस्सियै रवाना कीता गेआ। इस मौके पर धार्मिक संगठन लोकें दे नुमायंदें सिविल प्रशासन दे वरिष्ठ अफसर, पुलस, सुरक्षा बल ते श्री अमरनाथ जी श्राईन बोर्ड दे आला अधिकारी, मन्ने परमन्ने दे नागरिक ते बद्ध गिनतरी च श्रद्धालु मजूद हे। 52 दिन चलने आली एह यात्रा दौनें रस्ते 48 किलोमीटर आले नूनवान-पहलगाम ते गांदरबल दे 14 किलोमीटर आले बालटाल आले रस्ते थमां चलोग ते 19 अगस्त शनिवार गी यात्रा सम्पन्न होई जाग।

<><><><><><>

Lok Sabha-Rajya Sabha

नीट दे मतेयान च कथित बेजाबतगिएं गी लेइयै बरोधी धड़ें आस्सेआ बरोध-प्रदर्शन कीते जाने करी लोकसभा दी कारवाई दिन भरै लेई जिसलै के राज्यसभा दी कारवाई दपैहरी 2 बजे तगर स्थगित करनी पेई गई। दपैहरी 12 बजे तगर स्थगित रौहने परैत जिसलै लोकसभा दी बैठक फही लग्गी तां कांग्रेस दे सदस्येँ इस मामले पर शिक्षा मंत्री धर्मेन्द्र प्रधान हुंदे स्तीफे दी मंग करदे होई नारेबाजी शुरू करी दित्ती। स्पीकर ओम बिरला होरें गलाया जे इस मामले दी जांच लेई इक कमेटी खड़ेरी गई ऐ। उनें आखेआ जे तैह् ढंगै सिर संसद गी नेई चलन देना संसदी लोकतंत्र लेई ठीक नेई ऐ। नीट दे मामले पर चर्चा दी बरोधी धड़ें दी मंग गी नकारदे होई संसदी मामलें दे मंत्री किरन रिजिजू होरें आखेआ जे राष्ट्रपति हुंदे सबोधन पर चर्चा दी अवधि दरान कुसै होर विशे पर चर्चा दी इजाजत देने दी परंपरा नेई रेई ऐ। उनें कांग्रेस ते होरने बरोधी पार्टिएं पर आरोप लाया जे ओह सदन दी गरिमा गी ठेह् पुजाह् करदियां न। तोआई नीट आले मामले गी लेइयै राज्यसभा च बी डंड-रौली पेदी रेई। दपैहरी 12 बजे तगर स्थगित रौहने परैत जिसलै सदन दी बैठक फही लग्गी तां बरोधी पार्टिएं कांग्रेस, टीएमसी, डीएमके ते आम आदमी पार्टी दे सदस्येँ इस मामले पर सरकार खलाफ नारेबाजी शुरू करी दित्ती। राष्ट्रपति हुंदे अभिभाषण पर धन्नबाद प्रस्ताह पर जारी चर्चा जारी रखदे होई बीजेपी सांसद सुधांशु त्रिवेदी होरें सरकार दिएं उपलब्धिएं पर लोह् पाई। डंड-रौली दे दरम्यान गै सदन दे नेता जे.पी.नड्डा होरें जोर देइयै आखेआ जे सरकार नीट दे मामले पर चर्चा लेई तैआर ऐ पर बरोधी धड़ें दी मंशा छड़ी सदन दी कारवाई च बिघ्न पाने दी ऐ।

<><><><><><>

Mann Ki Baat

प्रधानमंत्री नरेन्द्र मोदी ऐतवारें 11 बजे आकाशवाणी दे “मन की बात” कार्यक्रम राएं देश ते विदेश दे लोकें कनै अपने बचार सांझा करगंन। एह रेडियो कार्यक्रम दी 111मी किशत होग। प्रधानमंत्री दा लगातार त्री बारी औहदा सांभने दे परैत एह पैहली किशत होग। इस कार्यक्रम दा प्रसारण सब्बने नेटवर्क आकाशवाणी ते दूरदर्शन, आकाशवाणी न्यूज वेबसाईट ते न्यूज ऑन एयर मोबाइल ऐप पर कीता जाग। एहदा लाइव प्रसारण ऑल इंडिया न्यूज दे यू-ट्यूब चैनलें, दूरदर्शन न्यूज, प्रधानमंत्री हुंदे दफतर ते सूचना ते प्रसारण मंत्रालय च होग। हिंदी प्रसारण दे तुरत मगरा आकाशवाणी आस्सेआ मकामी भाषाएं च एहदा प्रसारण कीता जाग।

<><><><><><>

New Criminal Law

त्रै नमें अपराधिक कनून भारती न्याह् संहिता 2023, भारती नागरिक सुरक्षा संहिता 2023 ते भारती साक्ष्य अधिनियम 2023 औंदी पैहली जुलाई थमां अमल च आई जांगन। संसद नै पिछले बरै स्याले आले इजलास दरान इनें बिलें गी पास कीता हा। भारती बसनीकें गी बा-अख्तियार बनाने च एह नमें अपराधिक कनून बड़ी महत्वै आली गैह् साबत होंगन। इंदा मकसद हर कुसै लेई मती पुज्जत आली, मददगार ते असरदार न्याह् प्रणाली कायम करना ऐ। नमें अपराधिक कनूनें दे मुख् प्रावधानें च हादसें दी रिपोर्ट ऑनलाइन दर्ज करना, कुसै बी पुलस थाने च एफआईआर ते पीड़ित गी एफआईआर गी मुफ्त कॉपी दित्ता जाना ते गिरफ्तारी दी सूरत च माहनुएं गी एह अधिकार दित्ता जाना बी शामिल ऐ जे ओह अपनी मर्जी मताबक कुसै व्यक्ति गी हालात बारे जानकारी बी देई सकोग। नमें कनूनें महिलाएं ते बच्चें खलाफ अपराधें दी जांच गी तरजीह दित्ता जाना ते दरुं म्हीनें दे अंदर सूचना दर्ज करिये बेल्ले सिर सबूरा करना बी शामिल ऐ। एआईसीटीई, सीएफआई सनें उच्च शिक्षा आले सब्बै इदारें बी पैहली जुलाई गी ध्याड़े भरै दिएं गतिविधिएं दा सरिस्ता करगंन जिंदे च सामूहिक चर्चा, सोआल जोआब आले सत्र ते बपार बगैरा दा आयोजन बी शामिल होग।

<><><><><><>

Poonch Skill Development

युवाएं गी माली साक्षरता दे खेत्तर च सशक्त बनाने दे मकसद कन्ने इक महत्वै आहली गँह पुट्टदे होई जम्मू-कश्मीर बैंक ग्रामीण स्व-रोजगार सिखलाई संस्थान ते पुंछ दे जिला रोजगार ते परामर्श केन्द्र नै रलिये स्टॉक ट्रेडिंग, म्युचुअल फंड्स ते माली जागरूकता सरबंधी सिखलाई देने आस्तै इक वर्कशाप दा आयोजन कीता। वर्कशाप अज्ज सम्पन्न होई गई जिसदा मकसद युवाएं गी माली बजारें सरबंधी जानकारी ते जरूरी कौशल कन्ने लैस बनाना हा। इस वर्कशाप च नौजवानें बड़ी बद्ध गिनतरी च हिस्सा लैता। वर्कशाप दे दुए ध्याड़े अज्ज पुंछ दे डिप्टी कमिशनर यासीन एम चौधरी इस मौके पर मुख परौहने हे। उनें आखेआ जे जिला प्रशासन आसेआ युवाएं गी रोजगार सरबंधी जानकारी देने लेई एह इक बड्डी पैहलकदमी ही। स्हाड़े आकाशवाणी दे संवाददाता कन्ने गल्ल करदे होई यासीन एम. चौधरी होरें आखेआ

..... बाईट

<><><><><><>

Samba Pickle(byte)

सांबा जिले दी बड़ी ब्राह्मणा तैहसील दे अप्पर करथौली ग्रां दी बसनीक शकुंतला देवी केई किस्मै दा अचार बना करदियां न ते इस कम्मै गी उनें अपना स्व-रोजगार बनाई लैते दा ऐ। शकुंतला देवी हुंदे कन्ने होए 11 महिलां बी इस कम्मै च जुड़ी दियां न पिछले 5-6 बरें थमां अचार बनाने दे पेशे कन्ने जुड़ी दिएं शकुंतला देवी हुंदे उत्पादें दी बागवानी मैहकमे नै जियो टैगिंग बी कीती दी ऐ ते उंदे इस मार्के गी प्योर टैस्टी पिक्कल नां दित्ते दा ऐ। आकाशवाणी खबरें कन्ने गल्ल करदे होई शकुंतला देवी होरें गलाया.....बाईट

<><><><><><>

हुन बाकी खबरें कन्ने शगुफता चौधरी।

<><><><><><>

Railway Inspection(byte)

46 किलोमीटर लम्मू संगलदान रियासी रेलवे ट्रैक दा निरीक्षण दौरा अज्ज सफलतापूर्वक सम्पन्न होई गेआ ऐ। रेलवे सुरक्षा सरबंधी कमीशनर दिनेश चंद देशवाल होरें अपने इस त्रऊं दिनें दे निरीक्षण दौरे दरान 46 किलोमीटर संगलदान रियासी दा निरीक्षण कीता। दिनेश चंद होरें अपने टीम कन्ने रलियै रेलवे ट्रैक, टनलें ते विश्व दे सब्बने उच्चे रेल पुल दा बी मुआयना कीता। निरीक्षण दे मगरा विश्व दे सब्बने थमां उच्चे रेल पुल थमां होंदे होई संगलदान ते रियासी रेलवे ट्रैक उप्पर इलैक्ट्रिक रेल राएं सफलतापूर्वक ट्रायल रन कीता गेआ। रियासी च देशवाल होरें खरी रिपोर्ट जमा होने शा पैहले रेलवे अधिकारिएं कन्ने इक बैठक लाई। आकाशवाणी दे संवाददाता कन्ने गल्ल करदे होई उनें दस्सेआ.....बाईट

<><><><><><>

Aroma Mission Bhandarwaha(byte)

भद्रवाह च मशहूर बैंगनी क्रांति आहने आहले सी.आई.एस.आर. ट्रिपल आई एम दे एरोमा मिशन दी कामयाबी परैन्त उत्थे उद्योग लेई अगली बड्डी चीज लवेंडर सैलसफा दे तौर पर उभरियै सामने आवै करदी ऐ। देश ते दुनिया दे बक्ख-बक्ख हिस्सें

थमां सैलानी इनें दिनें लवेंडर दे खूबसूरत खेत्तरें बक्खी आकर्षित होआ करदे न। केरल थमां आए दे इक सैलानी नै आखेआ ऐ जे ओह खासतौर पर लवेंडर दे खेत्तर दिक्खने लेई भद्रवाह आए न। आकाशवाणी कन्नै गल्ल करदे होई उन्नै आखेआ
..... बाईट

इस सरबंधै च आकाशवाणी खबरें कन्नै गल्ल करदे होई भद्रवाह विकास प्राधिकरण दे मुख् कार्जकारी अधिकारी बाल कृष्ण होरें आखेआ

..... बाईट

<><><><><><>

Cricket

आईसीसी टी-20 विश्व कप क्रिकेट दे दुए सैमीफाइनल मकाबले च कल रातीं गुयाना च इंग्लैंड गी हराइयै भारत नै फाइनल च अपनी थाहर पक्की करी लैती ऐ। पैहले बल्लेबाजी करदे होई भारत नै 20एं ओवरें च 7 विकेटां मुआइयै 171 रंज बनाए। भारत दा महामुकाबला कल साउथ अफ्रीका कन्नै बारबडोस च होग। भारती टीम त्रै बारी टी-20 फाइनल च पुज्जी ऐ।

<><><><><><>

Ekam Satt Foundation

करगिल विजय दिवस दे रजत जयंती महोत्सव दे इक हिस्से दे तौर पर आपरेशन विजय च भारत दी जित्त दे चेतते च कल फौज दे नगराटा आहले 16 कोर हैडक्वार्टर च मशहूर एकम सत्त फाउंडेशन आसेआ इक संगीतमय शाम दा आयोजन कीता गेआ। इस दरान देश-भक्ति ते अनेका च एकता आहले विशें पर प्रस्तुतियां पेश कीतीआं गेइयां।

<><><><><><>

Langer Seva

श्री अमरनाथ जी दी यात्रा पर जाने आले श्रद्धालुएं लेई बाबा अमरनाथ ते बुड्डा अमरनाथ यात्री निवास आस्सेआ लंगर सेवा दा उद्घाटन जम्मू दे परेडज्ज ग्राउंड गीता भवन च कीता गेआ। इस मौके पर जम्मू दे डिवीजनल कमीशनर रमेश कुमार मुख् परौहने हे। पूजा ते द्वीप जलाने दे मगरा लंगर सेवा शुरू कीती गेई। रमेश कुमार हारें होरनें कन्नै रलियै साधुएं ते होरने श्रद्धालुएं च लंगर बंडेआ। लंगर सेवा पूरी यात्रा दरान चलदा रौहग। एह गल्ल सराहने जोग ऐ जे पिछले केइएं दहाके थमां श्री अमरनाथ जाने आले श्रद्धालुएं लेई इस लंगर सेवा दा आयोजन कीता जंदा ऐ। डिवीजनल कमीशनर होरें नियाम दे प्रयासें दी सराहना कीती ते आखेआ जे इनें यात्राएं दा सफलतापूर्वक संचालन तुंदी ते सिविल सोसायटी दी बक्ख-बक्ख एनजीओएं दे समर्थन ते सैहयोग कन्नै गै संभव ऐ।

<><><><><><>

NTA Reforms

राष्ट्री परीक्षा अजेंसी-एनटीए च सुधारें सरबंधी सफारशां देने लेई शिक्षा मंत्रालय आस्सेआ खडेरी गेदी माहिरें दी उच्च स्तरी कमेटी नै सुधार ते परतियै गठन लेई विद्यार्थिं ते उंदे माता-पिताएं कोला सुझाह मंगे न। इस कमेटी दी अगुवाई इसरो दे साबका अध्यक्ष डॉ. के.राधा कृष्णन होर करै करदे न। एह मशवरें ते प्रतिक्रियाएं गी mygov वैबसाईट दे राएं हासल करोग।

आम लोक अपनी प्रक्रिया 7 जुलाई तगर दर्ज करोआई सकदे न। कमेटी गी आखेआ गोदा ऐ जे ओह् मतेयानें सरबंधी प्रक्रिया, डेटा सुरक्षा सरबंधी नियमें च सुधार ते एनटीए दे ढांचे ते कारकरदगी च सुधार बारे अपनियां सफारशां दऊं म्हीने दे अंदर—अंदर शिक्षा मंत्रालय गी जमा करोआए।

<><><><><><>